

Sarkina Bt Mat Saad @ Shaari

From: Unit Komunikasi Korporat
Sent: Sunday, May 6, 2018 4:10 PM
To: UUM - All Staff; UUM - All Students
Subject: Pelajar Luar Negara Jenguk Kampung, Santuni Masyarakat



Unit Komunikasi Korporat
CORPORATE COMMUNICATION UNIT
Universiti Utara Malaysia

6 MEI 2018 / 20 SYAABAN 1439H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah

PELAJAR LUAR NEGARA JENGUK KAMPUNG, SANTUNI MASYARAKAT



UUM ONLINE: Mahasiswa UUM termasuk pelajar antarabangsa tidak melepaskan peluang menjenguk kampung sambil menyantuni masyarakat dalam program International Bakti Siswa di sekitar mukim Bukit Raya, Pendang Kedah, baru-baru ini.

Pengarah program, Muhammad Aizat Md Sin, program ini memberi peluang kepada pelajar dari Nigeria, Bangladesh, Yamen, Algeria dan Pakistan mendekati penduduk selain memberi pengalaman baharu kepada pelajar luar negara.

Jelasnya, program anjuran Inapan Siswa Tradewinds mendapat kerjasama daripada Penghulu Mukim Bukit Raya, Mohd Sobri Karim dan Jawatankuasa Kemajuan Dan Keselamatan Kampung (JKKK) sekitar Mukim Bukit Raya.

“Bakti siswa ini bertujuan menyelami cara hidup orang kampung untuk merapatkan jurang antara pelajar dengan masyarakat

“Peserta teruja dalam melaksanakan program keluarga angkat dan kerja amal yang dapat mengukir senyuman dengan menyalurkan sumbangan kepada mereka yang memerlukan,” ujar pelajar Doktor Falsafah (Pengurusan Teknologi, Operasi & Logistik).

Antara program yang dijalankan seperti Majlis bacaan yassin bersama penduduk Kampung Alor Ali, pemberian sumbangan kepada Rumah Anak Yatim Amal Solehah (RAYAS) serta sumbangan barangan kelengkapan harian selain barangan wakaf kepada penduduk Kampung Alor Ali.

Menurut mahasiswa Doktor Falsafah (Multimedia), Gonesh Chadra Saha dari Bangladesh, program ini memberi pendedahan kepada anak muda untuk menyokong aktiviti kemasyarakatan, kekeluargaan dan pendidikan yang membentuk sikap positif dan matang dalam melaksanakan tugas.

“Sambutan yang diberikan sangat meriah, dengan layanan mesra tidak ubah seperti keluarga sendiri selain kerjasama orang kampung terhadap program yang dijalankan yang kebanyakannya terhibur dengan pengisian aktiviti yang ceria.

“Malah, khidmat masyarakat, gotong-royong memasak dalam kawah turut menyaksikan kerjasama antara orang lama dan belia yang saling bersatu hati mengadakan acara yang meninggalkan kenangan manis kepada mahasiswa,” tambahnya.

Manakala, pelajar Doktor Falsafah (Teknologi Maklumat) Ahmad Subhi Zulkafly berkata, program empat hari itu mengubah persepsi terhadap universiti yang bukan sahaja memberi tumpuan terhadap akademik tetapi prihatin terhadap masyarakat dalam mencapai peribadi unggul.

Jelasnya, program motivasi dan pemberian sumbangan di Sekolah Kebangsaan Kampong Pulai, Tokai memberi ilmu dan pendedahan kepada pelajar agar belajar bersungguh-sungguh serta menyimpan cita-cita agar berjaya ke menara gading.

“Usaha yang kami lakukan ini sebagai galakan dan kebersamaan ini membantu merangsang pelajar agar lebih bersemangat untuk belajar, meningkatkan prestasi akademik seterusnya mencapai kecemerlangan,” luahnya.

Subhi berharap program seumpama ini akan diteruskan bagi membentuk mahasiswa yang sedia menabur bakti kepada masyarakat yang memberi nilai tambah dari aspek insaniah yang tinggi.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.